



Claudii Fleurii Abbatis Historia Ecclesiastica

Ab anno Christi 1558. usque ad annum 1560

Fleury, Claude

August. Vind. [u.a.], 1771

VD18 90118588

§. 11. Andelotus Regem accedens, eique rationem reddens de sua
Religione.

[urn:nbn:de:hbz:466:1-66800](#)

Sæcul. XVI.A.C. 1558.

§. XI.

Andelotus Regem accedens, eiique rationem reddens de sua Religione.

Thu. l. c.Belc. comm.l. 28. n. 10.Maimb. hist.Calvin. t. 1.l. 2. p. 162.

Igitur Andelotus evocatur, ac Moncelli coram Rege, is cum Mensæ assideret, sistitur. Ibi Rex cum multa de sua erga ipsum benevolentia, ac vicissim de ipsius meritis præfatus esset, tandem dixit: „viscera mea doloris vi obruebantur, cum ad me ex compluribus locis deferretur, quod tu male de Religione sentias, ac proinde quid de Missæ Sacrificio, quod Calviniani tantopere exagitant, & abhorrent, credas, ut mihi respondeas, præcipio..” Andelotus summa fiducia, ut erat vir elato animo, audacter respondit, „mihi gaudium affert, quod Rex, quem munificentissimum erga me, ac omnem familiam meam expertus sum, & cui me vicissim in omnibus rebus hactenus obsequientissimum præbui, fidem meam, & industriam approbet: ceterum in causa Religionis fucum Deo facere non possum: corpus, opes, & dignitas in Regis potestate sunt, de quibus ad arbitrium suum statuere poterit: anima vero soli Deo, qui dedit illam, subjacet, cui proinde in hac caussa ut potiori Domino parere necesse habeo..”

Insu-

Insuper Andelotum hæc subjunxisse **Sæcul. XVI.**
referunt: „Calvini sectam profiteor, ac **A.C. 1558.**
„propterea Missam, tanquam hominum
„commentum summopere abominan-
„dum, detestor.., Hoc responso cum ni-
mium audax foret, Rex adeo excan-
duit, ut præ ira e mensa confurgens, lan-
ceque arrepta, quam in terram dejicere
volebat, incautius Delfinum Filium suum,
qui infra eum sedebat, graviter per-
cusserit, mensisque mox remotis Ande-
lotum a Joanne Babro Bordeserio se-
cretioris cubiculi Magistro duci jusserrit
in Meldorum civitatem, ubi in Episcopi
ædibus aliquantis per sub custodia fuit
detentus, donec Regis jussu Melodunum
transferretur, ibidem inclusus.

§. XII.

*Montlucius in supremum Gallici pe-
ditatus Praefectum electus.*

Cum Andelotus Gallici peditatus
Præfecturam amotō Colinio ejus **Comm. de**
Fratre, ac Francicæ classis Architalasso,
obtinuisse, mox hæc dignitas Blasio
Montlucio deferebatur, quam is quidem
primo acceptare recusabat, veritus, ne
sibi inde malevolorum invidiam accer-
seret, seque Montmorentiis, quorum fa-
vorem sedulo conservandum reputabat,
infensum redderet: iteratis tamen Hen-
rici Regis mandatis progressu tempo-

B 2 ris